

IN MEMORIAM

*Durmišević Ferid

HASELJIĆ (DŽEMALA) MEHMED, dipl.ing.geodezije



16.01.1965. - 14.12.2006.

Haseljić Mehmed, dipl.ing.geodezije je rođen 16.01.1965.godine u Gradačcu, kao prvo od troje djece oca Džemala i majke Esme.Imao je još brata Samira i sestru Amru.

Osnovnu školu je završio u Gradačcu, srednju Geodetsku tehničku školu u Sarajevu 1983.godine, a diplomirao na Građevinskom fakultetu - odsjek Geodezija u Sarajevu 1990.godine čime je stekao zvanje diplomirani inženjer geodezije.

Bio je oženjen i živio u porodičnoj kući u Gradačcu sa suprugom Samirom.

Radio je u Općinskoj službi za geodetske poslove i katastar nekretnina Gradačac 17 godina, od 1990.godine. Tokom rata bio je pripadnik Armije BiH a od 1996.godine ponovo radi u istoj službi.

Osim školovanja i stručnog ispita, prošao je više kurseva usavršavanja po pitanju stručne, računarske i informatičke tehnologije u struci. Takođe je imao završen četvrti stepen škole engleskog jezika kojim se dobro služio.

Pored rada u službi bavio se i dopunskom djelatnošću i to naročito inženjerskom geodezijom.

Sve što je radio bilo je krajnje profesionalno, tako da je bio uzor kolegama geodetima. Kao vrstan inženjer uvijek je bio spreman za pomoći kolegama.

Umro je 14.12.2006. od posljedica zamora srca i sahranjen u Gradačcu.

Njegovom preranom smrću izgubili smo jednog dobrog stručnjaka u oblasti geodezije, jednog pravog inženjera, a nadasve jednog divnog čovjeka.

Gradačac, 13.06.2007.godine

DurmiševićFerid,dipl.ing.geod.